

# BRAMAC

## Upute za održavanje **BMI Bramac** krova



Part of **BMI**

[bmigroup.com/ba](http://bmigroup.com/ba)

## Pobrinite se za svoj krov - sigurno, kompletno i profesionalno

Kako biste osigurali savršeno stanje vašeg krova i njegov dug vijek trajanja, potrebno je da ga redovno pregledate. Bez obzira da li se radi o kosom ili ravnom krovu, ekstremni vremenski uvjeti - oluje, orkanski vjetrovi, jaka kiša, grad i snijeg, kao i velike vrućine i suše; ne štete ni jedne ni druge. Stoga savjetujemo da svoj krov pregledate barem jednom, a najbolje dva puta godišnje, u proljeće i jesen. Pregled treba obaviti kvalificirani stručnjak – krovopokrivač.

## Dobro osiguran - od klimatskih promjena i vremenskih ekstrema

Krovovi nisu samo pod utjecajem zuba vremena, oni odolijevaju i svim elementarnim silama prirode. S klimatskim promjenama, ekstremne vremenske prilike postale su konstanta koja sve više ugrožava naše krovove. Zato su redovni pregledi ključni za uklanjanje ili ispravljanje eventualnih nepravilnosti.

Obratite posebnu pažnju na sljedeće:

- Oštećenja krovništa (pukotine, rupe).
- Moguće popuštanje, krovni pomak.
- Stabilnost snjegobrana ili sistema snjegobrana.
- Provjerite da li voda pouzdano otječe s krova - začepljenje, izbočeni oluci.
- Odgovarajuće brtvljenje priključaka na krovu (ventilacijski setovi, krovni prozori) i prostora oko dimnjaka.
- Područja na kojima se može pojaviti veća površina mahovine.

I mala količina štete na vašem krovu u oluji može dugoročno prouzrokovati veću štetu. Čak i mali otklon crijepa može postati "tačka napada" za usisni učinak vjetra u toku sljedeće oluje, što može dovesti do otkrivanja većeg dijela krova. Mala pukotina na krovu ili brtvljenju može dodatno napuknuti od leda i snijega i uzrokovati značajniju štetu.

## Pridržavajte se sigurnosnih mjera i odmah zamijenite manje nepravilnosti

Redovno uklanjanje lišća u olucima i odvodnim cijevima također je ključno. Sve dok su oluci puni onemogućeno je otjecanje vode. Kada temperature padnu ispod nule, ta se voda smrzava i može uzrokovati pucanje oluka i cijevi. To se može izbjeći redovnim uklanjanjem lišća. Također je važno očistiti i rub krova – strehe.

Manje nepravilnosti, ako se otkriju na vrijeme, obično nisu razlog za brigu jer se mogu brzo sanirati i riješiti. Stoga, održavan krov ima puno duži životni vijek. Istovremeno osigurava da krovna konstrukcija ispod ne strada, što sam objekat čini sigurnim i trajnim.

## Najbolja mjera opreza - BMI Bramac krov

Najbolja mjera opreza koju možete poduzeti u toku izgradnje ili renoviranja jeste da odaberete pravi krovni materijal. Neki krovovi gube svoju čvrstoću tokom godina, no betonski crijep BMI Bramac s godinama povećava svoju čvrstoću i tako pruža maksimalnu zaštitu od opterećenja snijegom, ledom i gradom. U slučaju oštećenja BMI Bramac crijep se lako i bez problema mijenja. Dodatna prednost je što su univerzalni originalni dodatni elementi dostupni za svaki model crijepa (beton ili glina). Od ventilacijskih kompleta, sistema za uklanjanje snijega, snjegobrana, sigurnosnih priključaka za pristup krovu. Sve što vam je potrebno za siguran krov možete dobiti na jednoj adresi.

Za sva dodatna pitanja oko samog postavljanja crijepa ili uputa za održavanje, dostupni smo na tel. +387 33 266 340 ili na e-mail adresu: info\_bih@bmigroup.com.